

Na osnovu člana 16. stav 4. Zakona o Vladi Zeničko-dobojskog kantona-Prečišćeni tekst ("Službene novine Zeničko-dobojskog kantona", broj: 7/10) i člana 46. stav (1), u vezi sa članom 37. stav (6). Zakona o izvršavanju Budžeta Zeničko-dobojskog kantona za 2018. godinu ("Službene novine Zeničko-dobojskog kantona", broj: 1/18), na prijedlog Ministarstva za poljoprivredu, šumarstvo i vodoprivredu Zeničko-dobojskog kantona, Vlada Zeničko-dobojskog kantona, na 167. sjednici, održanoj dana 02.11.2018. godine, d o n o s i

ZAKLJUČAK

o usvajanju Programa utroška sredstava budžeta za nabavku opreme veterinarskih laboratorija Instituta za zdravlje i sigurnost hrane u 2018. godini, u razdjelu 23, budžetska organizacija 01, potrošačka jedinica 0001, pozicija "Kapitalni transferi drugim nivoima vlasti" Budžeta Zeničko-dobojskog kantona za 2018. godinu

I.

Usvaja se Program utroška sredstava budžeta za nabavku opreme veterinarskih laboratorija Instituta za zdravlje i sigurnost hrane Zenica u 2018. godini u razdjelu 23, budžetska organizacija 01, potrošačka jedinica 0001, ekonomski kod 615100 "Kapitalni transferi drugim nivoima vlasti" u iznosu do 100.000,00 KM (slovima: stotinhiljada konvertibilnih maraka) Budžeta Zeničko-dobojskog kantona za 2018. godinu ("Službene novine Zeničko-dobojskog kantona", broj: 1/18), koji čini sastavni dio ovog zaključka.

II.

Sredstva planirana Budžetom Kantona za namjene predviđene ovim Zaključkom, realizovat će se isključivo u skladu sa realizacijom ostvarenih javnih prihoda u Budžetu Kantona, planovima novčanih tokova Budžeta Zeničko-dobojskog kantona za pojedini mjesec utvrđenim od strane Ministarstva finansija, te u skladu sa utvrđenim ukupnim nivoima do kojih se za pojedini mjesec od strane Vlade Kantona odobre mjesečni operativni budžeti svim budžetskim korisnicima, osim u slučajevima odobrenim posebnim aktom Vlade.

III.

U skladu sa odobrenim sredstvima Budžeta za 2018. godinu u iznosu do 100.000,00 KM za svaku planiranu i završenu aktivnost iz ovog Programa, na zahtjev Instituta uz dostavljanje Izvještaja, Vlada će posebnim zaključcima odobravati sredstva.

IV.

Za realizaciju ovog zaključka zadužuju se Ministarstvo za poljoprivredu, šumarstvo i vodoprivredu, Javna ustanova „Institut za zdravlje i sigurnost hrane Zenica“ i Ministarstvo finansija, svako u okviru svojih nadležnosti.

V.

Zaključak stupa na snagu danom donošenja.

Broj: 02-_____/18.

Datum, 02.11.2018. godine.

Z e n i c a

PREMIJER

Miralem Galijašević

DOSTAVLJENO:

1x Ministarstvo za poljoprivredu, šumarstvo i vodoprivredu,

1x Ministarstvo finansija,

1x Javna ustanova „Institut za zdravlje i sigurnost hrane“

Zenica (putem Ministarstva),

1x a/a.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
MINISTARSTVO ZA POLJOPRIVREDU,
ŠUMARSTVO I VODOPRIVREDU**

**PROGRAM UTROŠKA SREDSTAVA BUDŽETA ZA NABAVKU
OPREME VETERINARSKIH LABORATORIJA
INSTITUTA ZA ZDRAVLJE I SIGURNOST
HRANE ZENICA U 2018. GODINI**

Zenica, oktobar 2018. godine

Podaci o programu

Program je usvojen:	na 167. sjednici Vlade Zeničko-dobojskog kantona održanoj 02.11.2018. godine.
Period realizacije Programa:	Realizacija programa utroška sredstava budžeta za nabavku opreme veterinarskih laboratorija Instituta za zdravlje i sigurnost hrane Zenica u 2018. godini.
Ukupna vrijednost Programa:	100.000 KM.
Namjena Programa:	Nabavka opreme veterinarskih laboratorija
Korisnici Programa:	JU Institut za zdravlje i sigurnost hrane Zenica,
Izvor sredstava:	Budžet Zeničko-dobojskog kantona u 2018. godini, Ministarstvo za poljoprivredu, šumarstvo i vodoprivredu, "Kapitalni transferi drugim nivoima vlasti „Zakon o izvršenju Budžeta Zeničko - dobojskog kantona za 2018. godinu (“Službene novine Zeničko–dobojskog kantona”, broj: 1/18).
Odgovorna osoba:	Himzo Smajić, ministar

I UVOD

Institut za zdravlje i sigurnost hrane u 2016. godini uspješno je završio rekonstrukciju prostora, osposobljavanje i nabavku opreme za veterinarske laboratorije i time doveo do kraja započete aktivnosti akreditacije mikrobiološke laboratorije za hranu, vodu i hranu za životinje, te započeo proces akreditacije veterinarskih dijagnostičkih laboratorija.

Stručna ocjenjivačka Komisija Federalnog ministarstva poljoprivrede, vodoprivrede i šumarstva, dana 02.06.2017. godine izvršila je pregled prostora, kadra i veterinarsko-tehničke opreme, tehničkog uređenja, načina rada i osiguravanja nivoa biosigurnosti za obavljanje laboratorijskih analiza, te dala pozitivno mišljenje i ovlaštenje za rad na period od 3 godine.

Aktuelna problematika prisustva rezidua i hemijskih kontaminanata u hrani, vodi i hrani za životinje, sve veći zahtjevi tržišta, proizvođača, prerađivača, inspekcija i zakonodavstva za hemijskim analizama, usmjerilo je aktivnosti Instituta za zdravlje i sigurnost hrane na jačanju kapaciteta hemijskih laboratorija.

Institut je u 2018. godini intezivirao svoje aktivnosti na dostizanju standarda ISO 17025, što je rezultiralo dobijanjem akreditacije ISO 17025 za hemijski laboratorij i veterinarske dijagnostičke laboratorije. Shodno očekivanju i planiranom poslovanju, akreditacijom laboratorija za zdravlje životinja (serologija, mikrobiologija i parazitologija) a posebno ulaskom Instituta u Program monitoringa zaraznih bolesti životinja Federalnog ministarstva poljoprivrede, vodoprivrede i šumarstva došlo je do povećanja obima usluga iz oblasti veterinarstva. Boljom infastrukturu laboratorija Institut će odgovoriti zahtjevima tržišta, biti konkurentniji a što će sve u konačnici doprinijeti povećanju obima poslovanja.

Budžetom Zeničko-dobojskog kantona za 2018. godinu, na poziciji „Kapitalni transferi drugim nivoima“, predviđena su sredstva u iznosu od 100.000,00 KM koja su predviđena za nabavku opreme i osposobljavanje hemijskog laboratorija Instituta za zdravlje i sigurnost hrane.

II PLANIRANE AKTIVNOSTI

Jačanje kapaciteta laboratorija Veterinarskog zavoda u skladu sa zahtjevima ISO 17025 kroz nabavku:

- Opreme za veterinarski dijagnostički laboratorij
- Opreme za mikrobiološki laboratorij
- Opreme za hemijski laboratorij
- Prateće opreme za spektrofotometar

III CILJEVI PROJEKATA

- Uvođenje novih, akreditovanih laboratorijskih metoda i proširenje dijagnostičkih kapaciteta veterinarskih laboratorija.
- Postizanje visokog stepena kontrole rezidua i hemijskih kontaminanata u hrani, vodi i hrani za životinje.
- Zaštita zdravlja ljudi od sve većeg prisustva hemijskih supstanci zaostalih u hrani i vodi, kao posljedica velike i nekontrolisane primjene pesticida, insekticida, herbicida, veterinarskih lijekova i drugih hemijskih supstanci u primarnoj proizvodnji i preradi hrane

IV IZVORI SREDSTAVA

Izvor sredstava za realizaciju Programa je Budžet Zeničko-dobojskog kantona za 2018. godinu, ("Službene novine Zeničko-dobojskog kantona", broj: 1/18) u kojem je na stavci "Kapitalni transferi drugim nivoima vlasti" u razdjelu 23., budžetska organizacija 01, potrošačka jedinica 0001, ekonomski kod 615 100 planiran iznos od 100.000,00 KM.

Navedeni iznos sredstava će se realizovati prema programu utroška sredstava uz predhodnu saglasnost Vlade.

V KORISNIK SREDSTAVA

Korisnik sredstava je Javna ustanova Institut za zdravlje i sigurnost hrane Zenica, na osnovu registrovane djelatnosti.

Broj: 02-_____/18.

Datum, 02.11.2018. godine.

Z e n i c a

PREMIJER

Miralem Galijašević

DOSTAVLJENO:

1x Ministarstvo za poljoprivredu, šumarstvo i vodoprivredu,

1x Ministarstvo finansija,

1x Javna ustanova „Institut za zdravlje i sigurnost hrane“

Zenica (putem Ministarstva),

1x a/a.